

鐵嶺縣志卷一

序



史為記事之書志亦實錄之義縣之有志亦猶國之有史也史重得失每寓褒貶之詞志記事實不遺瑣細之事志與史比其範圍大小廣狹不同而其體例則一也鐵嶺昔年兩修縣志舊本數百年新本亦十餘年其間人事之變遷政治之興革大有今昔之殊居今考古援古證今因革而損益之始克有濟然則縣志不綦重哉己巳之春奉令修志黃俞兩大令先後加幣設局重修嗣良謏陋寡學忝與斯役愧乏三長敢任紀月編年之重見同一孔定遺井蛙管豹之譏桑梓誼重勉為才盡之江淹機會難逢違恤罪言之杜牧義不容辭情難自己惟是也情因革

鐵嶺縣志

卷一 序

一

鐵嶺縣立第一工科印

運會乘除或罹兵燹之餘蒐羅匪易或為財力所限採輯難周撥灰燼而稽舊檔按圖籍而誌新猷故家藏襲徵求如獲奇珍野老流傳歷久成爲掌故曲直寧徇己見但知據事直書是非自有公評付之知人論世所以闡既往而資爲文獻者在此所以昭來茲而視同信史者亦在此析百卷以成書歷期年而脫稿分總纂之餘勞勉襄盛舉承邑侯之雅意樂觀厥成文字之工拙輿論之譏評所不計也行將付梓謹書其巔

張嗣良謹識

鐵嶺縣志

弁言

鐵嶺舊志作於有清康熙十六年乃廣川董公國祥之原書也僅一冊上下二卷而已民國三年邑宰陳公藝重修之總纂雖並列蔣君而實出海城鄭君浚宣一人之手今又十七年矣人事之變遷時世之改易日月遞遷今昔不同民國十八年縣長黃公菊三使_{縣等}重修之假館於地方儲蓄會_縣荒蕪衰朽謏陋不文年來又家居曠閑懶散日甚所謂臣之壯也猶不如人今更可知矣辭而不獲勉承其乏又籌款維艱既無採訪之使又乏參考之書困難之點觸處皆是況志書乃一縣信史必須洞曉一縣之事情熟諳一縣之掌故貫通曉暢遠紹旁搜再參之

鐵嶺縣志

卷一 弁言

一

鐵嶺縣立第一工科印

以考證加之以採訪能了然於心胸方發之於筆墨然後取體有法出言有章可以考政治之得失可以覘世風之隆替小之爲一縣之紀載大之實修史之權輿縱不能佳亦當近似倘不如此則事既空踈文成苟且不爲杜撰亦屬陳言將何以垂法守而示來茲幸銀岡學會之圖書館舊藏經史及通攷衍義諸書猶存凡可參攷者悉取之不足者又假諸友朋縣長黃公徵訪各縣已成之志書十餘種亦陸續寄至遂分門標類製表數種行之各村各區各學校又發公函數十百通徵之各會各局各衙署以郵筒之煩代採訪之使朱君子元修農安縣志之言曰耗款費時徒滋物議莫修志若誠哉是言也乃未幾纂修諸君因事而去者數人縣長黃公又復他調幸繼任俞公偉忱踵其事而整理之

今謹依志書體例分門別類起例發凡爲卷二十分門二十列目三百有八舊志之已有者續之舊志之所無者增之多方詢訪至再至三煩厭不計也詢訪不至珥筆以待譏評不計也筆之於書前後兩說不同必取決一是屢削屢改費時不計也以本縣之人而志本縣之事或因忌諱而曲筆或涉鋪張而飾詞此書則據事直書不假粉飾無庸忌諱○衰朽殘年精神疲頓追思往事強半遺忘後之君子倘再起而又續之補余之失正余之謬豈○一人之幸亦鐵嶺縣志之幸爾

中華民國二十年二月 日

邑人陳德懿識

鐵嶺縣志

卷一

弁言

二

鐵嶺縣立第一工科印

鐵嶺縣志

凡例

一本志義取詳實詳則可徵實則可信

一左圖右史方資考證本志首列圖說蓋一邑之疆界城鎮區村街市山派河流衙署會所必繪圖注說開卷自然明瞭

一志竊仿史例以大事記列於諸卷之先大事記略言過去之事實其他則詳述於各目中恐乖體例也

一本志無論某門某目皆先述其沿革以次述至今日以便後來有所資證

一天文星野象緯推測良難今酌採鄰縣各志及最新地圖最新天文

鐵嶺縣志

卷一 凡例

書作爲參攷以免臆測

一本志地理一門其目錄有學校衙署會所而教育卷中又詳言學校其他亦於各本卷中詳述靡遺殊不知地理卷中所言學校衙署會所僅言其地址所在不涉及其他非故爲重複也

一地理一卷凡形勝要塞必分類詳志城鎮區村亦攷覈靡遺其他如現行之獨立村聯合村主村附村方向里數一一詳志不獨以餉閱者並以遺日後之留心政治者

一政治一門詳言歷代之設官分職以存歷代之制度民治一門詳言經過地方之事實以存現在之因革

一教育一門詳志學宮祀典及先賢先儒名位似覺贅述然禮教乃天

經地義爲萬世共守之常經即萬民共由之正軌重複雷同亦所不避閱者當有同心

一財政爲行政之要素實今日國利民福之要素也茲編將國家稅地方稅之種類緣起額數詳載以重理財之道

一農工商三者今日之實業也與民生有切膚關係而商務在昔日本邑最稱繁盛今則一落千丈質言之實不成爲商業矣勉強支持十不存一茲編於商業一門特三致意焉竊欲喚起鄉人之注意云爾

一人物一卷鄉賢一門皆以其人之學行及父老傳聞地方輿論爲準故不敢徒襲舊志也

一人物一卷鄉宦及忠節孝義各門採訪難周勢多遺漏閱者諒之

鐵嶺縣志

卷一

凡例

二

鐵嶺縣立第一工科印

一本邑民風向稱淳樸然趨向升降自成古今本志禮俗一門凡於風俗習慣及吉凶賓鄉之禮據實紀載俾日後有所觀摩焉

一書災凶不書祥瑞春秋法也茲編災異一門凡地方凶札民間疾苦依編年之例次第纂錄至妄談祥瑞概不紀載

一藝文一卷多係流寓鄉賢著作題詠以有關於本境者爲準其無關本境之作雖美不收萬不敢任一人之愛憎而漫爲登載惟中山郝公之詩文搜載較多因郝公謫居於此而邑人始知講學實開本境文化之先河蓋不敢數典忘祖也其登載以時代先後爲序閱者諒之

一藝文志一卷皆載前人之著作而現存之人其著作概不敢登以防

濫也獨載趙方嘏及王榮詩數首因趙作關係地方災異王係商人而亦能詩爲可異耳

一本志叙事則直書事實不加斷語志體然也間有另參按語或附公牘以備日後之資證

一本志共二十卷分門二十分目三百有八每志一門必叙應志之理有類小序本志約共三十餘萬言按語及附載公牘皆低一格取其明瞭以便閱者

鐵嶺縣志

卷一 凡例

三

鐵嶺縣立第一工科印

鐵嶺編修縣志各員姓名

監修

鐵

嶺

縣

長

黃世芳

鐵

嶺

縣

長

俞榮慶

協修

王者貴

前

清

附

生

石之璋

曾慶臣

倪漢臣

總纂

鐵嶺縣志

卷一

四

鐵嶺縣立第一工科印

陳德懿

纂修

前

清

附

生

張嗣良

蔣桂芬

前

清

附

生

石鈞衡

前

清

附

生

金化昆

採訪

前

清

附

生

傅銓

邢樹聲

丁肇甲

鐵嶺教育局長

胡世興

校閱

趙方嘏

裴有功

王佐才

胡相清

孟昭襄

鄭樸

吳珍

常郁棟

鐵嶺縣志

卷一

五

鐵嶺縣立第一工科印

繕寫

汪潤序

馬宏祥

袁尙友

張龍樵

賈瑄

測繪

王連璽

鐵嶺縣志

目錄

卷一 序 弁言 凡例 姓氏 目錄 大事記

卷二 地理 建置沿革 疆域 形勢 方位

畧刻 氣候 面積 山脈 河流

城池 衙署 區村 學校 會所

市場

卷三 政治 安東都護 銀州富國軍 咸平路咸平府

咸平府 鐵嶺衛 鐵嶺縣 鐵嶺

駐防 鐵嶺關郵 鐵嶺縣衙門 督捕

鐵嶺縣志

卷一 目錄

一

鐵嶺縣立第一工科印

廳 儒學 旗署 教育局 公安局

財政局 地方法院 第三監獄

稅捐局 交涉局 水利局 硝磺局

教養工場 電報局 郵局 電話

局 職官表

卷四 民法 (戶口) 鐵嶺設縣之戶口 拳匪亂後之

戶口 法庫設廳劃分後之戶口

民國成立後之戶口 清源

設縣劃分後之戶口

(選舉) 進士 武進士 舉人 武

舉人 副榜 宗室覺羅漢教

習 禮部左右翼官學漢教習

恩貢生 拔貢生 歲貢生

優貢生 大學及專門畢業

留學西洋各大學及專門畢業

留學東洋各大學及專門畢業

留學各省各大學及專門畢業

資政院國會省會之選舉

(自治) 自治緣起 自治動機 自治

期成會預備 送學員傳習自治

鐵嶺縣志

卷一 目錄

二

鐵嶺縣立第一工科印

送學員講習憲政 自治研

究所成立 城鄉地方自治會成

立 自治公所之組織附各表 縣自治

議參兩會成立附表 各級自治之停

辦附停自治令文 單行區村制 頒行

村制大綱附村制大綱十三條

(警察保甲) 有清一代之防守 警察之創始

警察之沿革 警察之化整

為散 保甲之緣起 保甲之

改革 預警 保衛團 官

辦保甲 保甲歸併警察化散為

整 改警察為公安改保甲為公

安大隊之合組

卷五 教育

學宮

有清一代課士規條

銀岡書院

銀岡書院之沿革 銀岡學會始末

附解散學會令文

育英義塾

教育協進會

邑紳助款興學

官紳捐存書籍

興學之受獎

尊經

閣之建置及沿革

魁星閣之建置及沿革

學校教育

教育會

圖書館

卷六 財政

(國家稅)

田賦舊率

田賦新率

新舊

鐵嶺縣志

卷一 目錄

三

鐵嶺縣立第一工科印

田賦

劃分等則及每畝應徵數

目 新舊田稅之比較

十八

年度經徵田稅數目及經費

契

稅

契紙

戶管

新契紙

印花稅

統捐

統捐稅

率

十七年度統捐經徵數目

斗秤稅

牲畜稅

牛馬店

(地方稅)

共三十三目

省庫提款

警甲學年支比較

十八年度地

方各機關實支數目

捐務緣起及沿革

卷七 司法

地方法院

第三監獄

律師公會

卷八 實業

(農)

農務

農時

農戶

農工

農產

農田

農力

農器

農諺

田值

土質

肥料

農夫

水田

農會

接收信義蠶桑公司

報領山荒

柴草場之設

車

脚會之設

苗圃

農會基金

勘定第一林場及苗圃界址

農事講習會

第二林場

備

鐵嶺縣志

卷一

目錄

四

鐵嶺縣立第一工科印

雇契約

軍草請減之經過

(工)

工會成立後工藝各行之彙志

工會之取銷

(商)

商會之成立

工商同業會之成

立 期糧

現糧

度量衡

之沿革與比較秤平斗各量之差別

商工物產之調查

前後入

會工商戶數之比較

工商戶入

會納費近年之比較

商業近年

盛衰之比較 近年出口糧食數

日與價格之比較 消防隊之設

醫學研究會之設 附接生傳習所

卷九 交通 舊驛站 郵局 道里 橋梁 渡船

電話 電報 航運 附石道 鐵路

卷十 人物 名宦 寓賢 鄉宦 鄉賢 儒林

忠節 孝義

卷十一 氏族

卷十二 禮俗 民風 婚 喪 祭 歲事 演春

宴會 稱謂 慶壽 生子 結

鐵嶺縣志

卷一 目錄

五

鐵嶺縣立第一工科印

拜 禱雨

卷十三 物產 (動物) 禽獸 鱗介 昆蟲

(植物) 黍 菽 瓜 果 木

蔬 花 草

(礦物) 金屬 非金屬

(貨物) 酒 油 皮 毛 絲

棉 布 麻紙

卷十四 宗教 佛 道 回 天主 耶穌

卷十五 兵事 自漢迄元之兵事 有明一代之兵事 有

清一代之兵事 民國以來之兵事

卷六 古蹟 古蹟 古祠廟 古城 古墳墓 古

浮屠 古碑 古額 古關隘 古邊

古墩 古礮台 古河隄 古長溝

名勝 鐵嶺八景

卷七 慈善 孤貧院 柴河善橋 公共墓地 施種

牛痘 義賑 施診 募糧賑災 粥

廠 助款興學 道士修嶺

卷八 災異 火災_五 地震 水災_四 土匪之亂 大

疫_三 拳匪之亂 棄城縱獄兵匪焚掠全縣

之亂 百斯篤 雪灾 天雨冰

鐵嶺縣志

卷一

目錄

六

鐵嶺縣立第一工科印

卷十九 藝文

卷二十 佚聞

鐵嶺縣志卷一

大事記



自春秋而後至宋司馬氏著資治通鑑朱子著綱目皆編年紀月之書究之皆大事記也然所謂大事者皆關於國家之事近世關於地方者則又有志志仿史例亦綱目之義也如姑孰志元和志曲阜志不勝枚舉志則因事列目目所未及雖其大者不能附入體例然也考之他縣縣志每重沿革而略大事殊不知大事與沿革互相考證有沿革而無大事則沿革之源流不清有大事而無沿革則大事之統系不明但縣志之範圍甚隘僅限於一縣茲仿編年紀月之例於沿革之先首記大事本境地屬遼東古亦曾名襄平故大事記中漢唐之世每與遼陽同

鐵嶺縣志

卷一 大事記

鐵嶺縣立第一工科印

至遼金以後所記之大事則專屬鐵嶺矣

周 武王克商肅慎氏貢楛矢本境屬肅慎氏地

秦 始皇二十年置遼東郡本境屬之燕王走保遼東秦追擊之虜燕王

漢 武帝元封三年置玄菟樂浪臨屯真番四郡本境屬樂浪郡

魏 青龍四年命司馬懿討公孫度平遼東

景初二年擒公孫淵父子

晉 元帝大興二年慕容廆據遼東

成帝咸和九年慕容仁據襄平

魏周齊 高麗據遼東本境自此遂入高麗

隋 煬帝大業八年帝自將至遼東分兵二十四道征高麗

大業九年詔修遼東古城

大業十年詔百僚議伐高麗徵天下兵百道俱進時天下已亂徵兵多失期不至高麗已困弊遣使乞降帝乃班師

唐 太宗貞觀十八年征高麗李勣薛仁貴等渡遼水大破高麗本境至此又入版圖名曰富州

高宗總章元年置安東都護府本境屬之

玄宗開元七年以大祚榮爲渤海王本境屬渤海仍名富州

開元十四年十月黑水靺鞨遣使入覲

渤海王武藝聞之恐其與唐謀攻已乃遣其弟門藝將兵擊之門

鐵嶺縣志

卷一 大事記

二

鐵嶺縣立第一工科印

藝曰黑水請吏於唐而我擊之此亡國之勢也武藝強遣之門藝棄衆來奔武藝表請殺之上密遣門藝詣西安報云已流嶺南武藝知之上表曰大國當示人以信豈得爲此欺誑上以鴻臚少卿李道邃等洩漏皆坐左遷暫遣門藝詣嶺南以報之

五代後唐 明宗天成三年契丹陷平州自是及終宋之世此地遂入於遼矣

遼太祖神冊四年修遼東故城以漢民渤海戶實之（遼史地理志）

太祖天顯十三年置銀州富國軍按遼史地理志銀州富國軍本渤海富州

太祖以銀冶更名銀州即今之縣城也銀州之名自此始

遼景宗保寧八年秋八月女直侵貴德州東境

貴德州即今邑南三十里之大汎河

聖宗統和二十八年五月甲午高麗西京留守康肇弒其主誦帝自將伐高麗十一月乙酉大軍渡鴨綠江拒戰敗之旋擒肇及其副將李立戊子同霍貴寧等州皆降

自此本境始由高麗而入遼之版圖

金 太宗天會五年伐宋調遼東民兵

元 世祖至元二十三年割咸平府爲散州

按元史地理志至元四年更遼東路總管府二十三年改爲開元路領咸平府旋割咸平爲散州隸遼東道宣撫司咸平即今之城

鐵嶺縣志

卷一 大事記

三

鐵嶺縣立第一工科印

北平頂堡

至元二十五年改遼東遼陽路領遼陽一縣蓋懿二州懿州即今城南六十里之懿路村也

明 太祖洪武三年李文忠克應昌獲元密迪哩巴拉還道興州

按明史文忠聞元順帝殂於應昌督兵兼程進圍應昌克之嗣君阿裕錫哩達喇北走獲其子密迪哩巴拉及后妃諸王官屬數百並獲宋元玉璽金寶玉冊鎮圭大圭王斧等駝馬牛羊無算窮追至北慶州而還取道興州慶州即今開原南之慶雲堡距鐵嶺四十里興州即本境之懿路洪武二十一年移鐵嶺衛於此在治城

迤西詳城池門

英宗正統元年於鐵嶺衛治東南建學宮嘉靖十六年重修後廢
英宗天順元年戍江淵陳循於鐵嶺衛

江陳皆明大學士按明史土木之變江陳擁戴景帝不主復辟
及奪門英宗復位因被謫戍於此

神宗萬歷元年遼東總兵李成梁擊破土蠻走之鎮西堡

按鎮西堡在城西二十里

萬歷十三年把兔兒聲言犯鐵嶺

按明史李成梁傳萬歷十三年把兔兒欲報父速把亥之怨偕從
父炒花姑壻花大糾西部等以數萬騎入掠瀋陽既退駐牧遼河
聲言犯開原鐵嶺成梁與巡撫李松潛爲浮橋渡師踰塞百五十

鐵嶺縣志

卷一 大事記

四

鐵嶺縣立第一工科印

里疾掩其帳寇已先覺整衆逆戰成梁爲疊陣親督前戰而松以
後陣擊之斬首八百有奇捷聞增歲祿百石改廕錦衣指揮爲都
指揮

萬歷十九年王杲子阿台攻虎兒罕犯鐵嶺汎河

明史李成梁傳初王杲死其子阿台走依王台長子虎兒罕以王
台獻其父嘗欲報之王台死虎兒罕勢衰阿台遂附北關合攻虎
兒罕又數犯孤山鐵嶺之汎河成梁出塞遇于曹子谷斬首一千
有奇獲馬五百匹

萬歷二十五年副總兵李如梅失利於鎮西堡

明史李如梅傳萬歷二十五年如梅與參政楊鎬謀復從鎮西堡

出塞潛襲敵營失利損部將十人士卒百六十人如梅以血戰重

創 免罪

萬歷四十年清兵師臨河遼東總兵李如柏引軍防懿路

萬歷四十六年清太祖率兵攻鐵嶺城斬明游擊喻成明史鳳鳴李克恭等攻其城蒙古喀爾喀貝勒介寨來援清師追擊之擒介寨等十餘人以上出東華錄

萬歷四十六年清太祖征明臨行書七恨告天有云柴河三岔撫安三路我累世分守疆土之衆耕田藝穀明不容刈穫遣兵驅逐恨五也亦見東華錄按柴河三岔撫安皆在鐵嶺境內
萬歷四十七年鐵嶺陷於清

鐵嶺縣志

卷一 大事記

五

鐵嶺縣立第一工科印

明史李如楨傳經略楊鎬使如楨守鐵嶺鐵嶺故李氏宗族墳墓所在當如柏還京其族黨部曲高貲者悉隨之而西城中爲空後鎬孤城難守令如楨還屯瀋陽僅以參將丁弼等防守力益弱清兵臨城如楨擁兵不救城遂失

清世祖順治十四年郝浴謫戍鐵嶺吳三桂忌之也

順治十五年設山頭關於城北山頭堡

按盛京通志明曾設山頭關後廢清初又設今久廢

順治年間侍郎董國祥謫戍鐵嶺見郝中山全集

按鐵嶺舊縣志創修於國祥

聖祖康熙三年置鐵嶺縣廢明之鐵嶺衛

康熙三年設典史

康熙四年建修知縣公署

康熙八年設察院行署在縣西南隅後廢

康熙十四年郝公召還留其宅作書院並祀孔子於此

按郝公謫此十八年日以講學爲事邑人亦多從之講學實爲木邑文化之先導詳見教育門及召還留其宅作書院並田產亦均留作學田伊時尚未建修文廟祀孔子於此即今之教育局也

康熙二十三年設訓導

康熙二十五年清聖祖征俄羅斯駐蹕於城東龍首山之南

康熙二十七年設滿洲防禦一員漢軍防禦三員委官五員

鐵嶺縣志

卷一 大事記

六

鐵嶺縣立第一工科印

康熙三十五年知縣許志進另建學宮

康熙三十七年知縣許志進捐建聖殿三楹

康熙五十一年知縣焦獻猷設書院

按鐵嶺原無書院郝公召還留其宅作書院後爲旗兵佔據至是邑庠生徐元弼呈請復之時郝公次子林爲奉天府尹囑焦令逐旗兵而仍設書院於此

世宗雍正十年城內西街大火縣署被焚

高宗乾隆四十年地震成災

按城內關帝廟碑文此次地震廬舍傾倒甚多關廟亦燬誠罕有之巨災也

乾隆四十六年修鐵嶺城廢明之舊鐵嶺衛城移建新城於衛城之
迤東見城池門

宣宗道光二十六年大水東門外可乘船

文宗咸豐二年大火城東西門樓俱燬

穆宗同治四年土匪陷城劫獄匪首徐占一馬傻子由開原竄入城
中無備縣署案檔俱焚

同治六年東關大火燒民房一百三十餘家

德宗光緒九年城內西街大火燬商號十三家

光緒十一年七月大水糧船麕集北門東抵山根

光緒十五年城內東街大火燬商號二十一家

鐵嶺縣志

卷一 大事記

七

鐵嶺縣立第一工科印

光緒二十年邑人武進士李葆真自出餉精練效義營五百人以助
守城

光緒二十六年因拳匪之亂俄軍入城知縣孟憲彝放獄棄城潛逃
土匪蠡起城內火光亘十餘晝夜始息商民塗炭以此次爲最見
災異卷

光緒三十年設學堂於書院時他縣尙未全設學堂而本邑開風氣
之先

光緒三十一年日俄激戰於城南三十里張家樓子兩軍死亡甚衆
光緒三十二年設警務局創辦巡警設勸學所創辦各鄉學堂設商
務會

光緒三十二年劃遼河西一百九十餘村入法庫

光緒三十三年設教育會

宣統元年舉設城鄉自治會因奉令舉辦自治城內有縣自治會城廂自治會八鄉亦各有自治會

宣統二年大疫因百斯篤流行而設防疫所

宣統二年縣署廢六房爲三科改三班皂隸爲司法巡警

宣統三年僞革軍入城放獄知縣高潛逃佔據四五日聞援軍至乃去

民國元年成立第三監獄

民國三年天雨冰樹木均被摧折幸值季秋之末禾稼未損

鐵嶺縣志

卷一 大事記

八

鐵嶺縣立第一工科印

民國三年頒關岳廟祀典是年春停辦各級自治

民國五年設立鐵嶺審判檢察廳

民國六年不雨大水柴河水暴漲北關廬舍傾沒人民溺死甚多

民國十六年劃東南六村入清源

民國十八年大水損壞田廬禾稼甚多



鐵嶺縣志勘誤表

卷十六	卷八	卷八	卷五	卷二	卷數	鐵嶺縣志勘誤表
古蹟	農務	農務	教育	地理	門類	
六	七	七	四二	一	頁數	
六	一七	五	二	五	行數	
二二一	二〇	二一	四	一八	字數	
關	簿	般	墻		錯誤	
廟	薄	船	強		更正	
				官	遺落	